

民國文獻資料叢編

近代學報
彙刊



殷夢霞 李強 選編



國家圖書館出版社



殷夢霞、李強 選編

近代學報彙刊

第四冊

國家圖書館出版社

第四冊目錄

四川學報	乙巳第十九冊	光緒三十一年		一
四川學報	乙巳第二十冊	光緒三十一年		一六五
四川學報	第二年第一冊	光緒三十二年		三一九
四川學報	第二年第二冊	光緒三十二年		四六三

四川學報

第十九冊

光緒三十一年

第十九冊

四川學報

大清郵政局特准掛
號認爲新聞紙類

學務處發行

學報第十九冊目錄

乙巳年第一次運動會錄上

奏議

未完

公牘

學部要電

批 續第十八期未完

講義

教育學 已完

四川歷史

續第十八期未完

生理衛生

續第十八期未完

譯編

學校管理法

續第十七期未完

論說

留學日本生上學務處書

會場平面圖

詳文

批

章程

徽章表

順序表

職員表

開會詞

閉會詞

贈獎詞

答贈詞

學生姓名表

奏議

江蘇學政唐奏陳學務事宜摺

奏爲停止科舉專辦學堂敬陳管見以備采擇恭摺仰祈

聖鑒事竊臣恭閱邸鈔光緒三十一年八月初六日內閣奉

上諭昨日有旨停止歲科考試專辦學堂所有各省學政著

專司考校學堂事務會同督撫經理等因欽此仰見 朝廷

厯懷時局亟思培育真才俾効馳驅收異日得人之效以爲科

舉文字蹈於虛不若學堂程度徵諸實意至深遠法至美善也

顧學堂一律開辦籌款難得人尤難古者州長黨正更可爲師

此風不可復覩一州一縣之學賴官主持官無學術不明教育

辦理殊難得法臣每按臨各屬試畢輒往各學查看其守舊者

大都中學之糟粕其開新者又襲西學之皮毛苟非全局經營

逐層整頓恐難收效臣現通飭各學一切課程按照定章辦理
儻有教法偏畸學科疎漏與定章未能符合者將來畢業考試
概不得邀獎勵此次欽奉 諭旨飭學務大臣迅速頒發教

科書洵屬第一要義各學無教科書教法不能畫一辦學便無
下手之處此件誠難再緩臣細釋定章及督臣袁世凱等奏議
並查度學務情形謹酌擬十條敬爲我 皇太后 皇

上縷晰陳之一隆典禮以崇聖教也學堂章程管理通則內禮
儀規條章載明 至聖先師孔子誕日春仲秋仲上丁釋奠

又開學散學畢業及元旦及每月朔日凡在堂學生均應行禮
各省學堂自應遵照辦理惟查舊例學政按臨各屬有率領教
官生員下學講書謁 聖大典及飭教官率領新進諸生謁

聖等例擬請

飭下各省學政於小學堂學生畢業考

試得生員後亦應由學政率領教官及該生等恭謁 文廟

並參酌新舊例章飭令教官敬謹宣讀 欽定臥碑 聖

諭廣訓是尊崇師表鉅典永垂也一獎經學以端儒術也聖經

昭然若日月試考西國哲學心理諸說殆不過九流十家而

已臣每曉示諸學生必以修身讀經爲宗旨誠如督臣袁世凱

等奏諸生不知尊經雖備諸科學亦僅造成一汎濫無本之人

才何濟於用然諸臣所以提倡未來之經生固屬周備而已成

之經生尤宜愛護蓋青必出於藍而冰必資乎水也欲保國粹

允宜將通經老宿褒崇獎勵以爲先事之倡擬請 飭下各

省學政採訪現存宿儒無論舉貢廩附果其治經有家法韋布

孤學孜孜不倦者酌量咨送學務大臣考核或請 旨賞給

官職或榮以虛銜派充小學中學高等學經學教員俟授課期

滿一體獎勵則已成經生不致湮沒而未來之經生且資鼓勵
庶於人心世道兩有裨益一擴中學以宏造就也查每府廩增
附生約在千人以上其年壯有志進修者殆不下數百人如統
歸之師範傳習所恐難容納按學堂章程所定中學階級與廩
增附生尙屬符合惟有多立中學使諸生入堂安心習業小學
程度未足者令其補習中學額數本定以三四百人成五六百
人爲合格乃各屬官立中學款項支絀每府不過一堂每堂學
額不逾百數十人已屬難以辦理至州縣更無力創建中學今
欲擴充必須官民通力合籌明定獎賞以爲鼓勵查實業學堂
通則有私立實業學堂者量其捐資多寡奏請從優獎勵擬請
嗣後各府州縣如有私立中學者卽按照辦理或有公立中學
者亦得請 旨從優嘉獎庶輔官立之不足而中學漸可擴

充矣一定賞罰以勵興學也查地方官向例任內完交錢糧是否足額或緝捕盜賊是否得力均明定賞罰以爲勸懲現在開辦學堂尤爲地方官最重之責任應比照完糧捕盜明定賞罰雖近今督撫因辦學勤惰亦間有舉劾然賞罰未立專條究不足以及昭勸戒擬請

節下政務處及吏部詳議辦學功過將

所辦學堂分晰大小多寡及開辦時日深淺或確著成效或毫無實濟逐條剖判權以賞罰之輕重著爲成例將來核其功過按例照辦該府州縣懍然例議之可畏自視學堂爲功名得失之關鍵不致庸玩延誤矣一宣舉例以防流弊也查古之朴作教刑移郊移遂諸典又秦東西各國退黜學生勒繳學費等事是古今中外約束學子必有明律蓋嚴待於今日者正所以厚期於將來苟非學行交修難成完品學堂章程管理通則內本

載有禁令章賞罰章其於功過辦法言之綦詳但恐辦理學務者或忽畧不察或含忍習成是以各處學生難免藉端生事停課罷學惡習未能盡除現在專辦學堂學生等當能仰體聖明求才至意循循於規矩之中不至仍蹈故習然法令不明示於先弊端終恐滋於後可否請旨明宣學律俾學堂禁令昭然在人耳目並嚴飭各省辦理學務諸員與肄業學堂諸生務須謹守法律切實遵行倘學生等或有違犯惟有嚴執定律從事毋稍寬假於是學生等有所警惕咸知自愛學律嚴而後學規始肅也一晰升階以定學級也查學堂章程其由小學畢業者獎爲廩增附生中學畢業者獎爲拔優歲等貢現在學堂開辦伊始大半由招得而來中學堂中生童並入將來畢業如照定章獎勵必有量而升貢者不免越級之病現若節

其不准入堂則該童等或已有程度且肄業多日亦難勒退此節應如何辦理將來或一律獎勵或分別獎勵擬請 節令學務大臣詳議辦法補入獎勵章程通飭各省異日畢業考試按照獎勵照昭平允而符定章一添襄校以重試典也查學堂章程高等學堂畢業應由督撫奏請 簡放主考典試又章程內載進士館一條高等學堂畢業奏請 簡放試官卽以此項人員開單請 簡又查進士館學科以西文東文算學體操爲隨意科旣曰隨意則有習者有未習者儻該試官並未肄習繙譯算學等科無論不善出題卽衡校亦必玉石莫辨是猶執聾者聽曲瞽者觀星未有能審其音節而悉其度數者是惟有准添襄校一法方有定衡擬請 節令學務大臣詳加核議俾臨時不至棘手蓋學生之去取旣取決於試官則平

日之程度全恃試官之核校儻使忽畧從事或致濫取是學堂仍無異科舉或謂學堂有課程分數亦豈真無可據然必試官詳加衡校者所以鄭重求才苟無定衡則真才不可得也一考科學以儲人才也查學堂所設諸科如法律財政兵法交涉與地諸門凡工國文者果能從事中西精要之書教員善爲講授皆易得其門徑但欲徵諸實用則非歷練不足以成材至算學圖畫繙譯理化諸門海內習算者向不乏人然程度亦祇及代數精微積者尙屬罕觀緣中國所傳習者僅有代微積拾級微積溯源兩書難以致力近日東洋亦有微積教科簡本未能譯出殊不適用通測繪者亦尙有人然用法熟而且精者究少至繙譯理化十年以來風氣漸開爭思練習雖中國譯書製器未能遽精其藝術然此兩門已漸有程度邇來上海無錫一帶開

社建堂專習繙譯理化者甚夥頗有進步其農務化學工業化學最屬有用習者尙少外省各學堂所請繙譯理化各教員以洋人難聘仍多選用華人擬請

飭令學務大臣將繙譯理化兩科出示招考於大學堂中擇洋教員程度高者畀之衡校選拔精通之品予以榮途以示鼓勵科學乃漸收實效此項人才儲備大學堂中爲異日考試高等學裏校之用蓋此係專家學臨時不易選充也一興實業以厚民生也查實業學堂章程已備乃各省所設立者甚屬寥寥生齒日繁財源日竭治生實爲今日之急務中國日用所需各物仰給於外洋者何可勝數亟宜銳志振興實業以期抵制之方雖重大工藝一時籌款維艱而日用尋常手工製造須早開立學堂以便肄習擬請飭下各省督撫趕緊設法開辦其鄉鎮村市尤應廣設大凡農